



李商隱詩集

雙鑑樓
天書

五言絕句

悼傷後赴東蜀辟至散關遇雪

機
劍外從軍遠無家與寄衣散關三尺雪迴夢舊鴛

樂遊原

昏
向晚意不適驅車登古原夕陽無限好只是近黃

巴江柳

巴江可惜柳柳色綠侵江好向金鑾殿移陰入綺
窓

聽鼓

城頭疊鼓聲城下暮江清欲問漁陽慘時無禰正
平

憶梅

定定住天涯依依向物華寒梅最堪恨長作去年
花

柳下暗記

無奈巴江柳千條傍吹臺更將黃映白擬作杏花
媒

妓席

樂府聞桃葉人前道得無勸君書小字慎莫喚官
奴

風

撩釵盤孔雀惱帶拂鴛鴦羅薦誰教近齋時鑲洞
房

張惡子廟

下馬捧椒漿迎神白玉堂如何鐵如意獨自與姚
萇

百果嘲櫻桃

珠寶雖先熟瓊葦縱早開流鶯猶故在爭得諱含
來

櫻桃荅

衆果莫相誚天生名品高何因古樂府唯有鄭櫻
桃

襪

嘗聞宓妃襪渡水欲生塵好借嫦娥着清秋踏月
輪

追代盧家人嘲堂內

道却橫波字人前莫謾羞只應同楚水長短入淮
流

代應

昨夜震鈎敗今朝百草輪關西狂小吏唯喝遠牀
盧

早起

風露澹清晨簾間獨起人鶯花啼又笑畢竟是誰親

細雨

涼
帷飄白玉堂簾卷碧牙牀楚女當時意蕭蕭髮彩

歌舞

傾
暹雲歌響清迴雪舞腰輕只要君流眄君傾國自

房君珊瑚散

塵
不見嫦娥影清秋守月輪月中間杵臼桂子搗成

嘲櫻桃

幃
朱實鳥含盡青樓人未歸南園無限樹獨自葉如

自況

風
陶令棄官後仰眠書屋中誰將五斗米擬換北窓

蝶

孤蝶小徘徊翩翩粉翅開併應傷皎潔頻近雪中來

夜意

簾垂幕半捲枕冷被仍香如何爲相憶魂夢過瀟

湘

李夫人二首

一帶不結心兩股方安髻慙愧白茅人月沒教星

替

剩結茱萸枝多擘秋蓮的獨自有波光綵囊盛不

得

滯雨

滯雨長安夜殘燈獨客愁故鄉雲水地歸夢不宜

秋

微雨

初隨林靄動稍共夜涼分窓迥侵燈冷庭虛近水

聞

高花

花將人共笑籬外露繁枝宋玉臨江宅墻低不礙

窺

嘲桃

無賴天桃面平明露井東春風爲開了却擬笑春風

餞席重送從叔余之梓州

莫嘆萬重山君還我未還武關猶悵望何況百牢關

柳枝五首

并序

柳枝洛中里娘也父饒好賈風波死湖上其母

不念他兒子獨念柳枝生十七年塗粧縮髻未嘗竟已復起去吹葉嚼葢調絲擗管作天海風濤之曲幽憶怨斷之音居其旁與其家接故往來者聞十年尚相與疑其醉眠夢物斷不娉余從昆讓山比柳枝居爲近他日春會陰讓山下馬柳枝南柳下詠余燕臺詩柳枝驚問誰人有此誰人爲是讓山謂曰此吾里中少年叔耳柳枝手斷長帶結讓山爲贈叔乞詩明日余比馬出其巷柳枝丫鬟畢粧抱立扇下風鄣一袖指

日若叔是耶後三日鄰當去濺裙水上以博山
香待與郎俱過余諾之會所友有偕當請京師
者戲盜余卧裝以先不果留雪中讓山至且日
東諸侯取去矣明年讓山復東相背於戲土因
寓詩以墨其故處云

花房與蜜脾蜂雄蛺蝶雌同時不同顛那復更相
思

本是丁香樹春條結始生玉作彈棋局中心亦不
平

嘉瓜引蔓長碧玉冰

去聲

寒漿東陵雖五色不忍值

牙香

柳枝井上蟠蓮葉浦中乾錦鱗與繡羽水陸有傷

殘

畫屏繡步障物物自成雙如何湖上望只是見鴛
鴦

漫成二首

沈約憐何遜延年毀謝莊清新俱有得名譽底相
傷

霧夕詠芙蓉何郎得意初此時誰最賞沈范兩尚
書

天涯

春日在天涯天涯日又斜鶯啼如有淚爲濕最高
花

五言絕句

終

李商隱詩集

七言絕句

霜月

初聞征雁已無蟬百尺樓南水接天青女素娥俱
耐冷月中霜裏鬪嬋娟

人欲

人欲天從竟不疑莫言圓蓋便無私秦中已久烏
頭白却是君王未備知

華山題王母祠

蓮華峯下鑲雕梁此去瑤池地共長好爲麻姑到
東海勸栽黃竹莫栽桑

華清宮

華清恩幸古無倫猶恐蛾眉不勝人未免被他裏
女笑只教天子暫蒙塵

北齊二首

一笑相傾國便亾何勞荆棘始堪傷小憐玉體橫
陳夜已報周師入晉陽

巧笑知堪敵萬機傾城最在着戎衣晉陽已陷休
迴顧更請君王獵一圍

復京

虜騎胡兵一戰摧萬靈迴首賀軒臺天教李令心
如日可要昭陵石馬來

渾河中

九廟無塵八馬迴奉天城壘長春苔咸陽原上英
雄骨半向君家養馬來

咸陽

咸陽宮闕鬱嵯峨六國樓臺艷綺羅自是當時天

帝醉不關秦地有山河

同崔八詣藥山訪融禪師

共受征南不次恩
報恩唯是有忘言
巖花澗草西
林路未見高僧且見猿

夜雨寄內

君問歸期未有期
巴山夜雨漲秋池
何當共剪西
窓燭却話巴山夜雨時

石榴

榴枝婀娜榴實繁
榴膜輕明榴子鮮
可羨瑤池碧

桃樹碧眉紅頰一千年

初起

想像咸池日欲光
五更鐘後更迴腸
三年苦霧巴
江水不爲離人照屋梁

柳

柳映江潭底有情
望中頻遣客心驚
巴雷隱隱千
山外更作章臺走馬聲

宿駱氏亭寄懷崔雍崔衮

竹塢無塵水檻清
相思迢遞隔重城
秋陰不散霜

飛晚留得枯荷聽雨聲

夢澤

夢澤悲風動白茅
楚王葬盡蒲城嬌
未知歌舞能多少
虛減宮厨爲細腰

贈歌妓二首

水精如意玉連環
下蔡城危莫破顏
紅綻櫻桃含白雪
斷腸聲裏唱陽關
白日相思不奈何
嚴城清夜斷經過
只知解道春來瘦
不道春來獨自多

謝書

微意何曾有一毫
空攜筆硯奉龍韜
自蒙半夜傳衣後
不羨王祥得佩刀

寄令狐郎中

嵩雲秦樹久離居
雙鯉迢迢一紙書
休問梁園舊賓客
茂陵秋雨病相如

漫成

不妨何范盡詩家
未解當年重物
華遠把龍山千里雪
將來擬並洛陽花

無題
一云陽城

白道縈迴入暮霞，斑駁嘶斷七香車。
春風自共何人笑，柱破陽城十萬家。

杜司勳牧

高樓風雨感斯文，短翼差池不及群。
刻意傷春復傷別人間，惟有杜司勳。

岳陽樓

欲為生平一散愁，洞庭湖上岳陽樓。
可憐萬里堪乘興，枉是蛟龍解覆舟。

二

漢水方城帶百蠻，四鄰誰道亂周班。
如何一夢高唐雨，自此無心入武關。

寄成都高苗二從事

家近紅蕖曲水濱，全家羅襪起秋塵。
莫將越客千絲網，網得西施別贈人。

屏風

六曲連環接翠帷，高樓半夜酒醒時。
掩燈遮霧密如此，雨落月明俱不知。

春日

欲入盧家白玉堂
新春催破舞衣裳
蝶銜花蕊蜂銜粉
共助青樓一日忙

漢宮詞

青雀西飛竟未迴
君王長在集靈臺
侍臣最有相如渴
不賜金莖露一杯

贈白道者

十二樓前再拜辭
靈風正滿碧桃枝
壺中若是有天地
又向壺中傷別離

隋宮

一云隋堤

乘興南遊不戒嚴
九重誰省諫書函
春風舉國裁宮錦
半作障泥半作帆

代應

溝水分流西復東
九秋霜月五更風
離鸞別鳳今何在
十二玉樓空更空

席上作

予為桂州從事故府鄭公出家妓令賦高唐詩

澹雲輕雨拂高唐
玉殿秋來夜正長
料得也應憐宋玉
一生唯事楚襄王

訪隱者不遇成二絕

秋水悠悠浸野扉
夢中來數覺來稀
玄蟬去盡黃
葉落一樹冬青人未歸

城郭休過識者稀
哀猿啼處有柴扉
滄江白石樵
漁路日暮歸來雨滿衣

破鏡

玉匣清光不復持
菱花散亂月輪虧
秦臺一照山
鷄後便是孤鸞罷舞時

無題

紫府仙人號寶燈
雲漿未飲結成冰
如何雪月交
光夜更在瑤臺十二層

贈庾十二朱版

時庾在翰林朱書版上

固漆投膠不可開
贈君珍重抵瓊瑰
君王曉坐金
鑾殿只待相如草詔來

柳

曾逐東風拂舞筵
樂遊春苑斷腸天
如何肯到清
秋日已帶斜陽又帶蟬

三月十日流盃亭

身屬中軍少得歸木蘭花盡失春期偷隨柳絮到
城外行過水西聞子規

過招國李家南園二首

潘岳無妻客爲愁新人來坐舊粧樓春風猶自疑
聯句雪絮相和飛不休

長亭歲盡雪如波此去秦關路幾多唯有夢中相
近分卧來無睡欲如何

爲有

爲有雲屏無限嬌鳳城寒盡怕春宵無端嫁得金

龜婿辜負香衾事早朝

公子

外戚封侯自有恩平明通籍九華門金唐公主年
應小二十君王未許婚

賦得鷄

稻梁猶足活諸雛妬敵專場好自娛可要五更驚
穩夢不辭風雪爲陽鳥

明神

明神司過豈令寃暗室由來有禍門莫爲無人欺

一物他時須慮石能言

壬申閏秋題贈烏鵲

繞樹無依月正高
鄴城新淚濺雲袍
幾年始得逢
秋閨兩度填河莫告勞

端居

遠書歸夢兩悠悠
只有空牀敵素秋
堦下青苔與
紅樹雨中寥落月中愁

夜半

三更三點萬家眠
露欲爲霜月墮烟
鬪鼠上牀蝙蝠

蝠出玉琴時動倚窓絃

飲席代官妓贈兩從事

新人橋上着春衫
舊主江邊側帽簷
願得化爲紅
綬帶許教雙鳳一時銜

代魏宮私贈

黃初三年已隔存歿追代其意何必同時亦廣子夜鬼歌之流

來時西館阻佳期
去後漳河隔夢思
知有宓妃無限意
春松秋菊可同時

代元城吳令暗爲荅

背闕歸藩路欲分水邊
風日半西曛荆王枕上元

無夢莫在陽臺一片雲

詠史

北湖南埭水漫漫一片降旗百尺竿三百年間同
曉夢鐘山何處有龍盤

日射

日射紗窓風撼扉香羅掩手春事違迴廊四合掩
寂寞碧鸚鵡對紅薔薇

題鷺

眠沙卧水自成群曲岬殘陽極浦雲那解一作將

心憐孔翠羈雌長共故雄分

華清宮

朝元閣迥羽衣新首按昭陽第一人當日不來高
處舞可能天下有胡塵

梓潼望長卿山至巴西復懷譙秀

梓潼不見馬相如更欲南行問酒壚行到巴西覓
譙秀巴西唯是有寒蕪

齊宮詞

永壽兵來夜不扃金蓮無復印中庭梁臺歌管三

更罷猶自風搖九子鈴

青陵臺

青陵臺畔日光斜萬古貞魂倚暮霞莫許韓憑爲
蛺蝶等閒飛上別枝花

東還

自有仙才自不知十年長夢採華芝秋風動地黃
雲暮歸去嵩陽尋舊師

蜀桐

玉壘高桐拂玉繩上含非霧下含冰枉教紫鳳無

棲處斷作秋琴彈壞

一作陵廣

漢宮

通靈夜醮達清晨承露盤晞甲帳春王母西歸方
朔去更須重見李夫人

江東

驚魚潑刺鷺翩翩獨自江東上釣船今日春光太
漂蕩謝家輕絮沈郎錢

讀任彥昇碑

任昉當年有美名可憐才調最縱橫梁臺初建應

峯山
惆悵不得蕭公作騎兵

五松驛

獨下長亭念過秦五松不見見與薪只應旣斬斯
高後尋被樵人用斧斤

灞岍

山東今歲點行頻幾處冤魂哭虜塵灞水橋邊倚
華表平時二月有東巡

送臻師二首

昔去靈山非拂席今來滄海欲求珠楞伽頂上清

涼地善眼仙人憶我無

苦海迷途去未因東方過此幾微塵何當百億蓮
花上一一蓮花見佛身

七夕

鸞扇斜分鳳幄開星橋橫過鵲飛迴爭將世上無
期別換得年年一度來

望喜驛別嘉陵江水二絕

嘉陵江水此東流望喜樓中憶閬州若到閬州還
赴海閬州應更有高樓

千里嘉陵江水色含烟帶月碧於藍今朝相送東
流後由一作猶自驅車更向南

贈宇文中丞

欲構中天正急材自緣烟水戀平臺人間只有稽
延祖最望山公啓事來公盛歎亡友張君故有此句

閨情

紅露花房白蜜脾黃蜂紫蝶兩參差春窓一覺風
流夢却是同袍不得知

月夕

草下陰蟲葉上霜朱欄迢遞壓湖光
花白此夜嫦娥應斷腸

代應

本來銀漢是紅牆隔得盧家白玉堂誰與王昌報
消息盡知三十六鴛鴦

離亭賦得折楊柳二首

暫憑樽酒送無繆莫損愁眉與細腰人世死前誰
有別春風爭擬惜長條

含烟惹霧每依依萬緒千條拂落暉為報行人休

盡折半留相送半迎歸

寄永道士

共上雲山獨下遲
陽臺白道細如絲
君今併倚三珠樹
不記人間葉落時

華州周大夫宴席

西鈴

郡齋何用酒如泉
飲德先時已醉眠
若共門人推禮分
戴崇爭得及彭宣

荆山

壓河連華勢
孱顏鳥沒雲
歸一望間楊僕移
關三

百里可能全是爲荆山

次陝州先寄源從事

離思羈愁日欲晡
東周西雍此分塗
迴鑿佛寺高多少
望盡黃河一曲無

過鄭廣文舊居

宋玉平生恨有餘
遠循三楚弔三閭
可憐留着臨江宅
異代應教庾信居

東下三旬苦於風土馬上戲作

路遠函關東復東
身騎征馬逐驚蓬
天池遼澗誰

相待日日虛乘九萬風

莫愁

雪中梅下與誰期
梅雪相兼一萬枝
若是石城無艇子
莫愁還自有愁時

夢令狐學士

山驛荒涼白竹扉
殘燈向曉夢清輝
銀臺右路雪三尺
鳳詔裁成當直歸

涉洛川

通谷陽林不見人
我來遺恨古時春
宓妃漫結無

窮恨不爲君王殺
灌均

灌均陳王之典籤諫諸王於文帝者

有感

中路因循我所長
古來才命兩相妨
勸君莫強安蛇足
一盞芳醪不得嘗

宮妓

珠箔輕明拂玉墀
披香新殿鬪腰肢
不須看盡魚龍戲
終遣君王怒偃師

宮辭

君恩如水向東流
得寵憂移失寵愁
莫向樽前奏

籀山
花落涼風只在殿西頭

代贈二首

樓上黃昏欲望休
玉梯橫絕月中鉤
芭蕉不展丁香結
同向春風各自愁

東南日出照高樓
樓上離人唱石州
總把春山掃
眉黛不知供得幾多愁

楚吟

山上離宮宮上樓
樓前宮畔暮江流
楚天長短黃昏雨
宋玉無愁亦有愁

瑤池

瑤池阿母綺窓開
黃竹歌聲動地哀
八駿日行三萬里
穆王何事不重來

柳

爲有橋邊拂面香
何曾自敢占流光
後庭玉樹承恩澤
不信年華有斷腸

寄在朝鄭曹獨孤李四同年

昔歲陪遊舊跡多
風光今日兩蹉跎
不因醉草蘭亭在
兼忘當年舊永和

南朝

地險悠悠天險長金陵王氣應遙光休誇此地分
天下只得徐妃半面粧

題漢祖廟

乘運應須宅八荒男兒安在戀池隍君王自起新
豐後項羽何曾在故鄉

韓冬郎即席為詩相送一座盡驚他日余方
追吟連宵侍坐徘徊久之句有老成之風
因成一絕寄酬兼呈畏之員外

十歲裁詩走馬成冷灰殘燭動離情桐花萬里丹
山路雛鳳清於老鳳聲

劔棧風檣各苦辛別時冰雪到時春為憑何遜休
聯句瘦盡東陽姓沈人

沈東陽約嘗謂何遜日吾
每讀卿詩一日三復終未
能余雖無東陽之才
而有東陽之瘦矣

評事翁寄賜餽粥走馬為答

粥香餽白杏花天省對流鶯坐綺筵今日寄來春
已老鳳樓迢遞憶鞦韆

東阿王

國事分明屬灌均西陵魂斷夜來人君王不得爲
天子半爲當時賦洛神

過景陵

武王精魄久仙昇帳殿淒涼烟霧凝俱是蒼生留
不得鼎湖何異魏西陵

板橋曉別

迴望高城落曉河長亭窓戶壓微波水仙欲上鯉
魚去一夜芙蓉紅淚多

關門柳

永定河邊一行柳依依長發故年春東來西去人
情薄不爲清陰減路塵

彭城公薨後贈杜二十七勝李十七藩二君
金與愚同出故尚書安平公門下

梁山兖水約從公兩地差池一旦空謝墅庾村相
弔後自今岐路更西東

夕陽樓

在滎陽是所知今遂寧蕭侍郎收滎陽日作者

花明柳暗繞天愁上盡重城更上樓欲問孤鴻向
何處不知身世自悠悠

鴛鴦

雌去雄飛萬里天
雲羅滿眼淚潛然
不須長結風波願
鎖向金籠始兩全

妓席暗記送同年獨孤雲之武昌

疊嶂千重叫恨猿
長江萬里洗離魂
武昌若有山頭石
為拂蒼苔檢淚痕

武夷山

只得流霞酒一杯
空中簫鼓當時迴
武夷洞裏生毛竹
老盡曾孫更不來

一片

一片瓊英價動天
連城十二昔虛傳
良工巧費真為累
楮葉成來不值錢

寄成都高苗二從事

時二公從事商隱座主府

紅蓮幕下紫梨新
命斷湘南病渴人
今日問君能寄否
二江風水接天津

西南行却寄相送者

百里陰雲覆雪泥
行人只在雪雲西
明朝驚破還鄉夢
定是陳倉碧野鷄

四皓廟

羽翼殊勲棄若遺
皇天有運我無時
廟前便接山門路
不長青松長紫芝

相思

相思樹上合歡枝
紫鳳青鸞並羽儀
腸斷秦臺吹管客
日西春盡到來遲

送鄭大台文南觀

黎辟灘聲五月寒
南風無處附平安
君懷一疋胡威絹
爭拭酬恩淚得乾

舊頓

東人望幸久咨嗟
四海于今是一家
猶鎖平時舊行殿
盡無宮戶有宮鴉

代董秀才却扇

莫將畫扇出帷來
遮掩春山滯上才
若道團圓是明月
此中須放桂花開

有感

非關宋玉有微辭
却是襄王夢覺遲
一自高唐賦成後
楚天雲雨盡堪疑

驪山有感

驪岫飛泉泛暖香
九龍呵護玉蓮房
平明每幸長生殿
不從金輿唯壽王

別智玄法師

雲鬢無端怨別離
十年移易住山期
東西南北皆垂淚
却是楊朱真本師

贈孫綺新及第

長樂遙聽上苑鍾
綵衣稱慶桂香濃
陸機始擬誇文賦
不覺雲間有士龍

代秘書贈弘文館諸校書

清切曹司近玉除
比來秋興復何如
崇文館裏丹霜後
無限紅梨憶校書

亂石

虎踞龍蹲縱復橫
星光漸減雨痕生
不須併礙東西路
哭殺厨頭阮步兵

日日
一云春光

日日春光鬪日光
山城斜路杏花香
幾時心緒渾無事
得及遊絲百尺長

過楚宮

巫峽迢迢舊楚宮
至今雲雨暗丹楓
浮生盡戀人間樂
只有襄王憶夢中

龍池

龍池賜酒敞雲屏
羯鼓聲高衆樂停
夜半宴歸宮漏永
薛王沉醉壽王醒

卽日

小鼎煎茶面曲池
白鬚道士竹間棋
何人書破蒲葵扇
記着南塘移樹時

吳宮

龍檻沉沉水殿清
禁門深掩斷人聲
吳王宴罷滿宮醉
日暮水漂花出城

嫦娥

雲母屏風燭影深
長河漸落曉星沉
嫦娥應悔偷靈藥
碧海青天夜夜心

殘花

殘花啼露莫留春
尖髮誰非怨別人
若但掩關勞獨夢
寶釵何日不生塵

天津西望

虜馬崩騰忽一狂翠華無日到東方天津西望腸
真斷滿眼秋波出苑墻

西亭

此夜西亭月正圓踈簾相伴宿風烟梧桐莫更翻
清露孤鶴從來不得眠

憶住一師

無事經年別遠公帝城鐘曉憶西峯烟爐消盡寒
燈晦童子開門雪滿松

昨夜

不辭鴟鵂妬年芳但惜流塵暗燭房昨夜西池涼
露滿桂花吹斷月中香

海客

海客乘槎上紫氛星娥罷織一相聞只應不憚牽
牛妬聊用支機石贈君

初食笋呈座中

嫩籜香苞初出林於陵論價重如金皇都陸海應
無數忍剪凌雲一寸心

寄蜀客

君到臨邛問酒壚近來還有長卿無金徽却是無
情物不許文君憶故夫

海上

石橋東望海連天徐福空來不得仙直遣麻姑與
搔背可能留命待桑田

白雲夫舊居

平生悞識白雲夫再到仙簷憶酒壚墻外萬株人
迹絕夕陽唯照欲棲鳥

同學彭道士參寥

莫羨仙家有上真仙家暫謫亦千春月中桂樹高
多少試問西河斫樹人

到秋

扇風淅瀝篔簹琉璃萬里南雲滯所思守到清秋還
寂寞葉丹苔碧閉門時

華師

孤鶴不睡雲無心衲衣筇杖來西林院門晝鎖迴
廊靜秋日當堦柿葉陰

華嶽下題西王母廟

神仙有分豈關情八馬虛追落日行莫恨名姬中
夜沒君王猶自不長生

過華清內廡門

華清別館閉黃昏碧草悠悠內廡門自是明時不
巡幸至今青海有龍孫

樂遊原

萬樹鳴蟬隔斷虹樂遊原上有西風羲和自趁虞
泉宿不放斜陽更向東

丹丘

青女丁寧結夜霜羲和辛苦送朝陽丹丘萬里無
消息幾對梧桐憶鳳皇

鳳

萬里峰巒歸路迷未判容彩借山鷄新春定有將
雛樂阿閣華池兩處棲

病中早訪招國李十將軍遇挈家遊曲江

十頃平波溢岸清病來唯夢此中行相如未是真
消渴猶放淹江過錦城

櫻桃花下

流鶯舞蝶兩相欺不取花芳正結時他日未開今日謝嘉辰長短是參差

故驛迎弔故桂府常侍有感

饑鳥翻樹晚鷄啼泣過秋原沒馬泥二紀征南恩與舊此時丹旆玉山西

槿花

風露淒淒秋景繁可憐榮落在朝昏未央宮裏三千女但保紅顏莫保恩

暮秋獨游曲江

荷葉生時春恨生荷葉枯時秋恨成深知身在情長在悵望江頭江水聲

任弘農尉獻州刺史乞假歸京

黃昏封印點刑徒愧負荆山入座隅却羨卞和雙別足一生無復沒階趨

贈勾芒神

佳期不定春期賒春物天闕興咨嗟願得勾芒索青女不教容易損年華

月夜重寄宋華陽姊妹

偷桃竊藥事難兼十二城中鎖彩蟾應共三英同
夜賞玉樓仍是水精簾

訪人不遇留別館

卿卿不惜瑣窓春去作長楸走馬身閒倚繡簾吹
柳絮日高深院斷無人

雨中長樂水館送趙十五滂不及

碧雲東去雨雲西苑路高高驛路低秋水綠蕪終
盡分夫君太騁錦障泥

池邊

玉管葭灰細細吹流鶯上下鷺參差日西千遶池
邊樹憶把枯條撼雪時

賈生

宣室求賢訪逐臣賈生才調更無倫可憐夜半虛
前席不問蒼生問鬼神

送王十三校書分司

多少分曹掌秘文洛陽花雪夢隨君定知何遜緣
聯句每到城東憶范雲

寄惱韓同年時韓住簫洞二首

簾外辛夷定已開
開時莫放艷陽迴
年華若到經風雨
便是胡僧話劫灰
龍山晴雪鳳樓霞
洞裏迷人有幾家
我爲傷春心自醉
不勞君勸石榴花

謁山

從來繫日乏長繩
水去雲迴恨不勝
欲就麻姑買滄海
一杯春露冷如水

釣天

上帝釣天會衆靈
昔人因夢到青冥
伶倫吹裂孤生竹
却爲知音不得聽

失猿

祝融南去萬重雲
清嘯無因更一聞
莫遣碧江通箭道
不教腸斷憶同群

戲題友人壁

花逕逶迤柳巷深
小闌亭午嘯春禽
相如解作長門賦
却用文君取酒金

假日

素琴絃斷酒鉼空倚坐歛眠日已中誰向劉伶天
幕內更當陶令北窓風

寄遠

姮娥搗藥無時已玉女投壺未肯休何日桑田俱
變了不教伊水更東流

王昭君

毛延壽畫欲通神忍爲黃金不爲人馬上琵琶行
萬里漢宮長有隔生春

舊將軍

雲臺高議正紛紛誰定當時蕩寇勲日暮灞陵原
上獵李將軍是舊將軍

曼倩辭

十八年來墮世間瑤池歸夢碧桃閒如何漢殿穿
針夜又向窓中覷阿環

李衛公

絳紗弟子音塵絕鸞鏡佳人舊會稀今日致身歌
舞地木繇花暖鷓鴣飛

韋蟾

謝家離別正淒涼少傅臨岐賭佩囊却憶短亭迴
首處夜來烟雨滿池塘

縣中惱飲席

晚醉題詩贈物華罷吟還醉忘歸家若無江氏五
色筆爭奈河陽一縣花

漫成五章

沈宋裁辭矜變律王楊落筆得良朋當時自謂宗
師妙今日唯觀對屬能

李杜操持事畧齊三才萬象共端倪集仙殿與金

鑾殿可是蒼蠅惑曙鷄

生兒古有孫征虜嫁女全無王右軍借問琴書終
一世何如旗蓋仰三分

代北偏師銜使節關東裨將建行臺不妨常日饒
輕薄且喜臨戎用草萊

郭令素心非黷武韓公本意在和戎兩都耆舊偏
垂淚臨老中原見朔風

戲題贈稷山驛吏王全

全爲驛吏五十六年

人稱有道術往來多贈詩章

絳臺驛吏老風塵耽酒成仙幾十春過客不勞詢
甲子唯書亥字與時人

花下醉

尋芳不覺醉流霞倚樹沉眠日已斜客散酒醒深
夜後更持紅燭賞殘花

所居永樂縣久旱縣宰祈禱得雨因賦詩

井膏滴滴是精誠晝夜如絲一勺盈祇怪閭閻喧
鼓吹邑人同報東長生

正月十五夜聞京有燈恨不得觀

月色燈光滿帝都香車寶輦隘通衢身閒不覩中
興盛羞逐鄉人賽紫姑

偶題二首

小亭閒眠微醉消山榴海栢枝相交水文簞上琥
珀枕傍有墮釵雙翠翹

消月依微香露輕幽房小院多逢迎春叢定是饒
栖夜飲罷莫持紅燭行

月

過水穿樓觸處明藏人帶樹遠含清初生欲缺虛

惆悵未必圓時卽有情

夜冷

樹遶池寬月影多
村砧塢笛隔風蘿
西亭翠被餘香薄
一夜將愁向敗荷

城外

露寒風定不無情
臨水當山又隔城
未必明時勝蟀蛤
一生長共月虧盈

南山趙行軍新詩
盛稱遊讌之洽因
寄一絕蓮幕遙臨
黑水津橐鞬無事
但尋春梁王司馬
非

孫武且免宮中斬美人

景陽井

景陽宮井剩堪悲
不盡龍鸞誓死期
腸斷吳王宮外水
濁泥猶得葬西施

四皓廟

本爲留侯慕赤松
漢庭方識紫芝翁
蕭何只解追韓信
豈得虛當第一功

送阿龜歸華

草堂歸意背烟蘿
黃綬垂腰不奈何
因汝華陽求

藥物碧松根下茯苓多

木蘭花

洞庭波冷曉侵雲
日日征帆送遠人
幾度木蘭舟
上望不知元是此花身

東南

東南一望日中烏
欲逐羲和去得無
且向秦樓棠
樹下每朝先覓照羅敷

江上憶嚴五廣休

征南幕下帶長刀
夢筆深藏五色豪
逢着澄江不

敢詠鎮西留與謝功曹

定子

檀槽一抹廣陵春
定子初開睡臉新
却笑喫虧隋
煬帝破家亡國爲何人

楚宮

十二峯前落照微
高唐宮暗坐迷歸
朝雲暮雨長
相接猶自君王恨見稀

馬嵬

冀馬燕犀動地來
自埋紅粉自成灰
君王若道能

傾國玉輦何由過馬嵬

無題二首

待得郎來月已低
寒暄不道醉如泥
五更又欲向何處
騎馬出門烏夜啼

戶外重陰黯不開
含羞迎夜復臨臺
瀟湘浪上有烟景
安得好風吹汝來

無題

聞道閭門萼綠華
昔年相望抵天涯
豈知一夜秦樓客
偷看吳王內死花

和韋潘前輩七月十二日夜泊池州城下先

寄上李使君

桂含爽氣三秋首
莫吐中旬二葉新
正是澄江如練處
玄暉應喜見詩人

蝶二首

長眉畫了繡簾開
碧玉行收白玉臺
爲問翠釵釵上鳳
不知香頸爲誰迴

壽陽公主嫁時粧
八字宮眉捧額黃
見我佯羞頻照影
不知身屬冶遊郎

七言絕句

終



